

佛說輪轉五道罪福報應經

劉宋三藏法師求那跋陀羅譯

聞如是一時佛在迦維羅衛國釋氏精舍與千二百五十比丘俱九月本齋一時畢竟佛從禪室出往至舍衛國祇樹給孤獨園二國之間有一大樹當五名尼拘類樹高百二十里枝葉方圓覆六十里其樹上子數千萬斛食之香甘其味如蜜甘果熟落人民食之眾病除愈眼目精明佛坐樹下時諸比丘取果食之佛語阿難吾觀天地萬物各有宿緣阿難即前為佛作禮長跪白佛言何等宿緣此諸弟子願欲聞之唯具演說開化未聞佛告阿難善哉善哉若樂聞者心善聽佛語阿難夫人作福譬如此樹本種一核稍稍漸大收子無限人而豪貴國王長者從禮佛事三寶中來為人大富財物無限從布施中來為人長壽無有疾病身體強壯從持戒中來為人端正顏色妙好輝容第一身體柔軟口氣香潔人見姿容無不歡喜視之無厭從忍辱中來為人修習無有懈怠樂為福德從精進中來為

人安詳言行審諦從禪定中來為人才明達解深法讚歎妙義開悟愚蒙人聞其言莫不諮受宣用為珍寶從智慧中來為人音聲清徹從歌詠三寶中來為人潔淨無有疾病從慈心中來阿難白佛云何為慈佛語阿難一慈眾生如母愛子當五二悲世間欲令解脫道意三心常歡喜四為能護念一切不犯是為慈心者也佛語阿難為人長大恭敬人故為人短小輕慢人故為人醜陋喜瞋恚人故生無所知不學問故為人專愚不教人故為人瘠瘞謗毀人故為人聾盲不喜聽受經法故為人奴婢負債不償故為人卑賤不禮三寶故為人醜黑遮佛光明故生裸國中者喜輕衣唐揆塔寺精舍故生馬蹄國中者喜著屐佛前行故生穿胃人國中者布施作福悔惜心故生麀鹿麀鹿中者喜驚怖人故生墮龍中者喜調戲人故身生惡瘡治之難差者喜鞭打眾生不以理故人見歡喜者前生見人歡喜故人見不歡喜者前生見人不歡悅故遭縣官繫閉牢獄桎械其身者前世為人籠繫

眾生不從意故為人骨缺者前世釣魚魚決口故聞好言善語心不樂聞於中兩舌亂人聽受經法者後墮耽耳狗中佛語阿難世有愚人聞說法語心不餐採後墮長耳驢馬之中慳貪獨食不共飢者食後墮餓鬼中出生為人貧窮饑餓衣不蓋形食不供口好食自噉惡食施人後生猪狔蜣螂之中喜劫奪人物者後墮羊中生剥其皮償其宿罪好喜殺生者後為水上蜉蝣蟲朝生暮死好喜盜人財物者後墮奴婢牛馬之中償其宿債好喜姪他婦女者死入地獄男抱銅柱女卧鐵牀從地獄出常生下處當墮雞鴨中好喜妄語傳人惡事死入地獄洋銅灌口拔出其舌以牛犁之出墮鳴梟鵠鳥中人聞其鳴莫不驚怖皆言變怪當五呪令其死喜飲酒醉犯三十六失者死墮沸屎泥犁之中出生墮徃徃中後還為人愚癡生無所知夫婦不相和順數共鬪諍更相驅遣後墮鳩鴿中貪人力者後墮象中佛語阿難州郡令長食官爵祿或人無罪或私侵人民錄名繫縛鞭打捶杖強逼

輸送告訴無地枷械繫閉不得寬縱後墮地獄中身受苦痛數千億歲罪畢乃出當墮水牛中貫穿其鼻牽船挽車大杖打撲償其宿罪佛語阿難爲人不淨從猪中來爲人慳貪不能廉潔從狗中來爲人剛強狠戾自用從羊中來爲人腥臭從魚鼈中來爲人兇惡含毒心難解者從蝮蛇中來好喜美食喜殺害衆生無有慈心者從豺狼狸鷹中來爲人短命胞胎傷墮生世未幾而早命終墮在三塗數千萬劫佛言此輩前世爲人好喜射獵焚燒山澤探巢破卵施捕魚網殺一切衆生貪其皮肉以自食噉多短命報世世界劫無有出期慎之慎之痛不可言佛語阿難凡作功德皆應身爲燒香福會轉經行道不得倩人呪願若虛如倩人食豈得自飽能不饑耶若燒香鮮潔逮薩云若香攝一切相然燈續明得三達智無所罣礙燒香齋食讀經達觀以爲常法布施得福諸天接待萬惡皆却衆魔盡除無敢當者懈怠之人安隱諧偶無精進心一朝疾病有不吉利便欲燒香方云作福

諸天未降衆魔故前競共燒觸作諸變怪以是之故常當精進罪福隨身如影隨形植種福者亦如尼拘類樹本種一核收子無限施一得倍萬言不虛也佛時頌曰  
賢者好布施 天神自扶將 施一得萬倍  
安樂壽命長 今日大布施 其福不可量  
皆當得佛道 度脫於十方  
因緣合會誰爲親 五戒十善除去瞋  
不望他許自爲親 世間榮樂如浮雲  
展轉五道如車輪 莫計壽命惜金銀  
天地尚壞何況身 奉持經戒是大珍  
勿貪財色辱悞人 三界衆生如群羊  
來去五道身壞傷 命速流水何有常  
作惡甚近受罪長 泥犁地獄沸鑊湯  
制心剛意離禍殃 犯罪入中痛難當  
佛告阿難世人無智生死肉眼不知罪福吾以道眼觀無數劫乃至今身罪福應報猶觀掌中瑠璃珠內外明徹無狐疑想阿難前整衣服爲佛作禮而白佛言演說此經當何名之佛語阿難此經名爲輪轉五道亦名罪福

報應若有善男子善女人諷誦宣傳功德無量當見禮侍賢劫十佛奉侍供養不墮三塗八難之處得戒定慧佛說經竟五百比丘漏盡意解七百比丘尼得須陀洹道八百羅漢得菩薩道諸天龍神是時樹下清信士萬二千人清信女六千人悉履道迹諸比丘比丘尼優婆塞優婆夷皆得阿那含道天龍鬼神世間人民聞佛說法皆言善哉即起作禮遶佛三匝歡喜而去  
佛說輪轉五道罪福報應經

佛說輪轉五道罪福報應經

校勘記

- 一 底本，清藏本。
- 一 二八六頁上二行「劉宋」，**資**作「宋」。
- 一 二八六頁上六行「尼拘」，**徑**作「拘尼」。
- 一 二八六頁上八行末字「除」，**資**、**磧**、**南**作「皆除」。
- 一 二八六頁上一三行第九字「心」，**資**、**普**、**南**作「一心」。
- 一 二八六頁中一一行第九字「盲」，**資**、**磧**、**普**、**南**作「視經法盲」。
- 一 二八六頁中一八行「不以理」，**資**無。
- 一 二八六頁下五行「不共饑者食」，**資**無。
- 一 二八六頁下一三行第九字「洋」，**資**、**磧**、**南**作「羊」。
- 一 二八六頁下一四行「鴟梟鴟鴞」，**資**作「鴟梟」；**磧**作「鴟梟鴟鴞」；

- 一 **普**、**南**作「鴟梟鴟鴞」。
- 一 二八六頁下一六行第三字「者」，**資**、**磧**、**南**無。
- 一 二八七頁上五行第一三字「狠」，**資**、**磧**、**普**、**南**、**徑**作「很」。
- 一 二八七頁中四行第四字「萬」，**資**無。
- 一 二八七頁中五行第一〇字「將」，**徑**作「持」。
- 一 二八七頁中六行第三字「壽」，**資**作「受」。
- 一 二八七頁中八行第五字「誰」，**資**作「惟」。
- 一 二八七頁中一四行第一二字「沸」，**資**作「佛」。
- 一 二八七頁下二行第五字「侍」，**資**、**南**作「待」。